

法苑珠林卷第四十七

唐西明寺沙門釋道世撰

驅七

懲過篇第四十六

此有二部

述意部

引證部

述意部第一

驅七

夫形骸多患理須嚴誠根識昏沉宜恒警策  
故經曰無以睡眠因緣令一生空過無所得  
也但有身則爲患本無身則患滅故禮無不  
敬傲不可長若縱傲高彌增惰慢徒施攻擊  
無柰患憂口是刀斧之門禍累之始心懷毒

念口施毒言身行毒業興斯三業彌招四趣  
故書云一言可以興邦一言可以喪國又言  
行是君子之樞機樞機之發榮辱之主意爲  
業本身口由發所以先除凶懷祛邪務正故  
知可惡川流事由心造何以知然若暫緣心  
起故口發惡言言由意顯靡惡不爲故成論  
云離心無思則無身口業也

引證部第二

如維摩經云故以若干苦切之言乃可入律  
書云聞諫如流斯言可錄恨戾不信惡馬難

調撫膺多愧常以自箴庶有聞論致序心曲  
今欲減其言而整其身者未若先挫其心而  
次折其意故經云制之一處無事不辦譬如  
金山窟狐狸所不敢停淳淵澄海蛙龜所不  
肯宿故知潔其心而淨其意者則三塗報息  
四德常滿防意如城守口如瓶可謂金河遺  
寄屬在伊人玉門化廣信於斯矣既榮斯三  
業則能除四患何等四患謂生老病死也故  
受胎經云衆生受胎之時備盡艱難冥冥漠  
漠狀若浮塵十月將滿母胎知苦業風催促

頭同產門墮地鞭觸如在刀山風激冷觸如  
似寒冰當爾之時生爲實苦

又涅槃經云譬如燈炷唯賴膏油膏油既盡  
勢不久停人亦如是唯賴壯膏壯膏既盡衰  
老之炷何得久住又出曜經佛說老苦偈云

少時意盛壯假七爲老所見逼形衰極枯槁  
氣竭憑杖行

又佛說死苦偈云

氣絕神逝形骸蕭索人物一統無生不終  
又涅槃經云夫死者於峻難處無有資糧去

處懸遠而無伴侣晝夜常行不知邊際深邃  
幽暗無有燈明入無門戶而有處所雖無痛  
處不可療治往無遮止到不得脫

又無量壽經云獨生獨死獨來獨去苦樂之  
地身自當之無有代者幽幽冥冥別離長久  
道路不同會見無期甚難甚難復得相值夫  
生則親族歡聚盡慈愛之和死則朝亡暮殯  
便有恐畏分離之狀歌哭相送往者不知反  
室空堂寂滅無覩存亡有無變化俄頃故出  
曜經佛重說死苦偈云

命如果待熟 常恐會零落 已生皆有苦  
孰能致不死

猶如死囚將詣都市動向死道人命如是如  
河駛流往而不返人命如是逝者不還

又出曜經云昔有梵志兄弟四人皆得五通

自知命促七七日必死兄弟議曰我等兄弟神  
通自在能以神力翻覆天地現極大手捫摸  
日月移山住流無所不辦寧當不能避此難  
也第一兄曰吾入大海上下平等正處中間  
無常殺鬼安知我處第二弟言吾入須彌山

腹中間還合其表使無際現無常殺鬼焉知

我處第三弟言吾處虛空隱形無跡無常殺鬼安知我處第四弟言吾當隱在大市之中衆人猥鬧各不相識無常殺鬼趣得一人何必取吾四人議訖相將辭王而白王曰吾等計算餘命日促各欲逃走欲求多福王尋告曰善進其德於是別去各適所至七日期滿各從其處而皆命終佛以天眼見四梵志遊於無常各求度世皆已命終而說偈言

非空非海中 非入山石間 無有地方所

脫之不受死

又增一阿舍經云爾時世尊在舍衛國東鹿母園中與大比丘衆五百人俱是時世尊七月十五日於露地敷坐比丘僧前後圍遶佛告阿難曰汝今速擊捷雜今七月十五日是

受歲之日阿難叉手便說此偈

淨眼無與等 無事而不練 智慧無染着何等名受歲

世尊以偈報曰

受歲三藏淨 身口意所作 兩兩比丘對

自陳所作短 還自稱名字 今日衆受歲  
我亦淨意受 唯願原其過  
是時阿難聞已歡喜即升講堂手執捷稚而  
說此偈

降伏魔力怨 除結無有餘 露地擊捷稚  
比丘聞當集 諸欲聞法人 度流生死海  
聞此妙響音 盡當雲集此

爾時阿難擊捷稚已至世尊所白世尊言今  
正是時唯願世尊何所勑使是時世尊告阿  
難曰汝隨次坐當坐草座時諸比丘各坐草

座是時世尊默然觀諸比丘已便勑諸比丘  
我今欲受歲我無過咎於衆人乎又不犯身  
口意耶如來說此語已諸比丘默然不對是  
時再三告諸比丘已時尊者舍利弗即從座  
起長跪白世尊言諸比丘衆觀察如來無身  
口意過世尊今日不度者度不脫者脫不般  
涅槃者令般涅槃無救護者爲作救護盲者  
爲作眼目爲病者作大醫王三界獨尊無能  
及者以此事緣如來無咎於衆人亦無身口  
意過是時舍利弗白世尊言我今自陳無咎

於如來及比丘僧乎世尊告曰汝舍利弗都無身口意所作非行汝今智慧無能及者汝今所說常如法義未曾違理是時舍利弗白佛言此五百比丘盡當受歲盡無咎於如來乎世尊告曰亦不責此五百比丘身口意此舍利弗大眾之中極爲清淨無瑕穢聖七五今此衆中最小下坐得須陀洹必當上及不退轉法以是之故我不恐責此衆

又佛本行經云爾時釋種宗族士衆一切合有九萬九千及迦毗羅婆蘇都城所居人民

從城共往欲見如來世尊遙見輪頭檀王與諸大衆嚴備而來即作是念我若見彼不起迎奉人當說我此豈戒行果報人乎云何見父不起迎送我今若見父及大衆起往迎者彼等獲得無量大罪若我今者持其威儀在此住者彼等於我不生敬心如來作此三種念觀見有如此三種因緣思量如是三種義已從坐而起飛騰虛空現種種神變令大衆生信並皆入道

又梵網經云若佛子應如法次第坐先受戒

者在前坐後受戒者在後坐不問老少比丘比丘尼貴人國王王子乃至黃門奴婢皆應

先受戒者在前坐後受戒者次第而坐莫如外道癡人若老若少無前無後坐無次第兵奴之法我佛法中先者先坐後者後坐而菩薩不次第坐者犯輕垢罪若佛子常行教化大悲心入檀越貴人家一切衆中不得立爲白衣說法應白衣衆前高座上坐法師不得地立爲四衆白衣說法若說法時法師高座香華供養四衆聽者下坐如孝順父母敬順

師教如事火婆羅門其說法者若不如法犯輕垢罪

又善見論云弟子參師當避六處一不得當前二不得當後三不得太遠四不得太近五不得處高六不得上風立問曰四種身儀若坐立行臥何故七但云一面立答曰爲來故不應行爲恭敬不應坐爲供養故不應臥

又三千威儀云欲上牀有五事一當徐腳踞牀二不得匍匐上三不得使牀有聲四不得大拂拭牀席使有聲五洗足未淨當拭之在

牀上有五事一不得大吹二不得叱咤喧嘯三不得歎息思念世間事四不得狗群卧五欲起坐當以時若意起不定當自責本起又卧有五事一當頭首向佛二不得卧視佛三不得雙伸兩足四不得向壁卧亦不得伏卧五不得堅兩膝要當拘手斂兩足累兩膝又卧起欲出戶有五事一起下牀不使牀有聲二着履先當叩數三正住着法衣四欲開戶先三彈指不得使戶有聲五戶中有佛像不得背出當還向戶而出出不得住與人言

又正法念經云孔雀菩薩爲諸天衆說調伏法若在家出家若老若少調伏相應以此莊嚴如出家之人初以袈裟而自調伏當行七事一者如其國法受糞掃衣在家之人所棄之衣若在塚間有死人衣死屍所壓則不應取若於塚間得破壞衣則應受用是名袈裟調伏之法第二若入聚落觀地而行前視一尋念佛影像一心正念諸根不亂不觀一切所須之具不與女人言論不抱小兒不觀一切足亦不動臂及其牀座不手摩頭不敷整衣

不抖敷袈裟不按摩手亦不彈指是名第二  
調伏之法第三若入施主家於飯食時齊腕  
澡手若受食時不大舒手當前一肘不滿口  
食亦不太少若所搏飯不大不小不大張口  
不令有聲所應之食但食二分食知止足不  
觀他鉢而生貪心所受飯食不懷他心自觀  
其鉢不左右顧視是名第三調伏之法第四  
若於食時若於聚落或於城邑先所見食不  
生心念不數言說亦不慚望所受敷具如法  
受畜不求上勝是名第四調伏之法第五一

切所作不倚不着不惜身命於所用具不多  
聚積不行邊方危怖之處不異服飾不偏樂  
於一家往返是名第五調伏之法第六不斷  
草木及掘生地不著雜色革屣雜色衣服不  
破他戒不謗不說心不慚望王者之饍心不  
甘着不親近於喜鬪比丘是名第六調伏之  
法第七若有同意同法應當親近利益若於  
山窟樹下露地常修行空無相無願是名第  
七調伏之法若有比丘能如是行則能捨離  
一切諸縛而得解脫

又雜寶藏經云佛初出家夜佛子羅睺始入于船初成道夜生羅睺羅舉宮嫁女咸皆慙恥惟哉大惡耶輸陀羅不慮是非輕有所作不自愛慎令我舉宮都被染汙悉達菩薩久已出家今卒生子甚爲恥辱時有釋女名曰電光是耶輸第七姨母之女椎曾拍勝呵罵耶輸汝於尊親何以自損太子出家已經六年生此小兒甚爲非時從誰而得辱我種族不護惡名淨飯王于時在樓見此大地六種震動見是相已謂菩薩死憂箭入心聞于宮中舉

聲大哭王倍驚怖謂太子死走使女問是何哭聲女白王言太子不死耶輸陀羅今產一子舉宮慚愧是以哭耳王聞是語倍增憂惱發聲大哭揚聲大喚憐哉醜辱我子出家已經六年云何今日而方生子時彼國法擊鼓一下一切運集九萬九千諸釋悉會即喚耶輸耶輸着白淨衣抱兒在懷都不驚怕於親黨中抱兒而立諸釋咸忿叱爾凡鄙有何面目我等前立宜好實語竟爲何處而得此子耶輸陀羅都無慚恥正直而言從彼出家釋

種名曰悉達而得此子我子悉達本在家時聞有五欲耳尚不聽況當有欲而生於子實是詣曲非正直法以此謗毀王極大瞋問諸釋言云何苦毒殺害復有釋言如我意者當作火坑擲置火中使其母子都無遺餘諸人皆言此事最良即掘火坑以佢陀羅木積於坑中以火焚之即將耶輸至火坑邊時耶輸見火方大驚怖譬如野鹿獨在園中四向顧望無可恃怙耶輸自責既自無罪受斯禍患徧觀諸釋無救已者抱兒歎念菩薩言汝有

卷七  
九

慈悲憐愍一切天龍鬼神咸散於汝今我母子薄於祐助無過受苦云何菩薩不見留意何故不救我之母子今日危厄即時向佛一心敬禮復拜諸釋合掌向火而說實語我此兒者實不從他而有此子若實不虛六年在我胎者火當消滅終不燒害我之母子作是語已即入火中而此火坑變為水池自見已身處蓮華上都無恐怖顏色和悅合掌向諸釋言若我虛妄應即焦死以今此兒實菩薩予以我實語得免火患諸釋言視其形相

不驚不畏而此火坑變為清池以此驗之知

其無過時諸釋等將耶輸陀羅還歸宮中倍  
加恭敬為索乳母供事其子猶如生時等無  
有異祖白淨王愛重深厚不見羅睺終不能  
食若憶菩薩抱羅睺用解愁念略而言之

滿六年已白淨王謁仰於佛遣往請佛佛憐

愍故還歸本國來到釋宮變千二百五十比

丘皆如佛身光相無異耶輸陀羅語羅睺羅  
誰是汝父往到其邊時羅睺羅禮佛已訖正  
在如來右足邊立如來即以手摩羅睺羅頂

即說偈言

我於生眷屬及以所生子無有偏愛心  
但以手摩頂我盡諸結使愛憎永除盡  
汝等勿懷疑於子生猶豫此亦當出家  
重為我法子略言其功德出家學真道

當成羅漢果

七

頌曰

業風恒泛濫苦海濤波聲漂我常游浪  
遠離涅槃城忽遇慈舟至運我出愛瀛  
是知高慕友懲過改凡情罪垢蒙除結

神珠啓闇冥 釋門光麗景 俗務苦重榮  
冀除五昏蓋 方悟六塵輕 自非乘寶輶  
何以息僞寧

感應緣

略引  
三驗

宋沙門釋僧苞

齊沙門釋僧遠

隋沙門釋洪獻

宋京師祇洹寺有釋僧苞本是京兆人少在  
關受學什公宋永初中遊北徐入黃山精舍  
復造靜定二師追業仍於彼建三七普賢齋  
識至第十七日有白鶴飛來集普賢座前至

中行香畢乃去至二十一日將暮又有黃衣  
四人遙塔數步忽然不見苞少有志節加復  
祥感故匪懈之情因之彌厲日誦萬餘言經  
常禮數百拜佛後東下京師正值祇洹寺發  
講法徒雲聚士庶駢席苞既初至人未有識  
者乃乘驢往看衣服垢弊貌有風塵堂內既  
達坐驢鞍於戶外高座主題適竟苞始欲厝  
言法師便問客僧何名答云名苞又問盡何  
所苞答曰高座之人亦可苞耳乃致問數番  
皆是先達思力所不逮高座無以抗其詞遂

遜退而止時王弘范泰聞苞論義歎其才思  
請與交言仍屈住祇洹寺開講衆經法化相  
續陳郡謝靈運聞風而造焉及見苞神氣彌  
深歎伏或問曰謝公何如苞曰靈運才有餘  
而識不足抑不勉其身矣苞嘗於路行見六  
劫被戮苞爲說法勸念觀世音群劫以臨危  
之際念念懇切俄而送吏飲酒洪醉劫解枷  
得免焉宋元嘉中卒梁高僧傳

年夢見大人切齒責之曰汝是出家人面目  
如此放縱造惡何不取鏡自照遠忽覺驚悸  
流汗至曉以盆水自照乃見眼邊烏點謂是  
垢汙便洗拭之眉毛一時隨手落盡因自咎  
責柰此殃譴遂改常習反形易性弊衣破履  
一食長齋遵奉律儀昏曉行悔悲淚交注經  
一月日又夢前人含笑謂曰知過能改是謂  
智人赦汝前愆勿復相續忽驚喜覺流汗徧  
身面目津潤眉毛漸出遠於一身頗感兩報  
信知三世苦樂不虛自後竭情時不暫怠鄉

川所歸卒於本土

隋相州大慈寺釋洪獻少履道門早明律部  
聽誦勞頓遂兩目俱暗既無前導常處房中  
禮誦爲業不輟晨夕開皇十四年忽感一神  
自稱般若檀<sup>聚七</sup>越來從受戒數致談話同房僧

綱禪師上堂食後般若乃將綱一樸衣來觀  
獻云勞陳法事利益不少微奉衣物願必受  
之獻納置中綱食還房恠失衣樸搜求寺內  
乃於獻所得之具以告語綱終不信猜獻盜  
之神遂發撤綱房衣物被案狼籍滿庭竿扇

稱尺摧折數段神於空中語曰僧綱不好設  
齋會供養三寶我會禍汝未許放汝獻感冥  
報與般若言及事同目覩神語獻曰伴衆極  
多悉在紫陌河上唯三十人相隨可令寺家  
設食衆僧便於西院會之神曰大好飲食勞  
費師等雖然僧綱不起齋供後會使知綱無  
奈之何恐迫不已便私費財物營諸齋福般  
若乃日既能行福今相放矣仍以絹兩疋付  
獻云當以一疋施大衆一疋贈綱師獻對衆  
受得具皆聞見仍依付領綱後懲過彌勤經

業卒於所住

唐高僧傳此有二驗出

和順篇第四十七

五部

述意部

引證部

和施部

和國部

和事部

十三

述意部第一

之性也

引證部第二

夫善惡乖背言行兩違禍釁從生怨毒彌重  
所以言之者易行之者難是故剛柔得中違  
順得性譬鑄劍太剛則折太柔則卷欲劍無  
折必加其錫欲劍無卷必加其金何者金性

剛而錫質柔剛柔均平則爲善矣含性和平  
則爲嘉矣故羅雲密行以自調故聖讚以美  
譽提婆麗行以擴惡故衆毀以過彰俗書云  
西門豹性急佩韋以自緩董安于性緩帶絃  
以自急故陰陽調天地之和也剛柔均人物

如蜜跡金剛力士經云阿闍世王問佛言菩  
薩仁和爲有幾法往反周旋常存和雅不興  
麤心佛言菩薩仁和有八事法何謂爲八一

志性質直而無諛謗二性行和雅常無僥僶  
三心存淳熟永無虛妄四心行堅要亦無羸  
劣五無迷惑志存於仁和六為世衆祐受異  
德行七心行了達而無所着八思惟罪福心  
無所念是為八事於是阿闍世王白佛言善

薩有幾法行逮如是力無極之勢佛言有十  
法何謂為十一寧棄身命勤受正法二未曾  
自大謙恪下意禮敬衆生三見於剛強難化  
衆生立之忍辱四見飢餓人以好美饍而充  
施之五覩諸恐懼勸慰安之六若有衆生得

於重疾療以良藥七若有羸劣人所輕慢敬  
念戀之令無忽易者八以淨泥水塗如來廟  
補其虧缺九見孤苦人貧匱困厄常負重擔  
使去其難極重之殃十若無護無所依歸常  
將濟之所語如言而不變失是為十事法

又正法念經云若有衆生見他親友互相破  
壞心懷怨結能為和合命終生欲愛天隨心  
所念即得五欲自娛若有衆生見人破亡為  
他抄掠救令得脫或於險處教人正道或疑  
怖處令他安隱命終生正行天天女供養受

五欲樂若生人中生於正見大長者家若有  
人能柔軟深心離一切垢涅槃解脫猶如在  
手軟心之人心如白鎬修行善業衆人所信  
麤礪之人心如金剛恒常不忘怨結之心行  
不調伏衆人所憎不愛不信爾時孔雀菩薩  
以佛經偈而說頌曰

若人心柔軟 猶如成鍊金 斯人內外善  
速得脫衆苦 若人心器調 一切皆柔軟  
斯人生善種 猶如良福田  
又呵鵠阿那含經云阿那含有八事不欲令

人知何等爲八一不求不欲令人知二信不  
欲令人知三自羞不欲令人知四自慙不欲  
令人知五精進不欲令人知六自觀不欲令  
人知七得禪不欲令人知八黠慧不欲令人  
知所以不欲令人知者不欲煩擾於人故

和施部第三

題七

十五

如佛說一切施王所行檀波羅蜜經云佛言  
過去久遠無央數劫爾時世有大國王號字  
薩和達此言一切施王爾時布施有所求索不逆其  
意爾時異國有婆羅門子少失其父獨與母

姊弟爲居家甚貧狹其母告子居家困窮無以自供汝父在者當往薩和達王所乞丐可以自濟今何不行至彼王所從求錢寶兒報母言我今未有所知先當學問然後乃行母語兒言今汝家中了無所有而有學問爾乃當行若汝去後其家空之何以自活兒即語母我先當假貸索一兩金可備一年之糧母即聽之便行貸得金一兩還以與母乃出家行學一年已竟便來歸家母見兒還便遂問言汝已行詣一切施王所耶兒復報母言所

學未通當復更學母言前金已盡當作何計兒答母言當更假貸兒即復往至前所貸金家向其主說復欲貸一兩金其金主語兒汝前取金既未還我甫復欲索汝若審復欲得金者持卿母及姊弟皆以上奉爾乃可得若至時不畢當沒汝母及姊弟以爲奴婢便相許可適作券取持歸付母復捨家行學復終一年所知粗備欲歸語母行詣一切施王所在道中便爲債主所索及母姊弟將歸鎖脚婆羅門子語債主言卿雖相繫正使終年我

無益用不如相放我當往詣一切施王所乞  
丐得物還以相償其主思惟便解婆羅門子  
今去時有異國王軍起兵欲往取一切施王  
國時諸臣白王今有他國興兵入界不審大  
王當作何計時王自念人命至短當歸無常  
三十五  
又我少小已來好喜布施慈仁忍辱無傷害  
意不欲與彼共相拒逆所以者何但以我一  
身故動搖兵衆設有所中害此非我宜便勑  
諸臣不須爲備亦勿恐怖但旦嚴出迎蓮作  
禮恭敬承事受其教勅令踰於我諸臣復白

王言他國入界云何不備王默不應如是至  
三王言不須拒遙如我前言諸臣皆言王勅  
勿備我等俱然王言大善各且安家慎莫勞  
擾其王夜半即脫印綬默亡而去彼王大國  
即領王位便募索一切施王其賞甚重王遂  
出國行五百餘里遙見婆羅門子王意即想  
此婆羅門子今者必來索我無疑時婆羅門  
子意亦想此人將無正是一切施王二人各  
前相逢便住王問婆羅門子言卿何從來今  
欲所至婆羅門子答言我欲行至一切施王

所王復問欲詣一切施王所欲何求索婆羅門子報言少小失父居甚貧窮以母及姊弟持行質債欲從一切施王乞丐錢寶還贖母

姊弟并得自濟王便語言我正是一切施王  
婆羅門子問王價從所在而獨行耶王言有  
驅七十七他國來欲得我處是以避之所以者何不欲  
傷害於人兵故婆羅門子聞王所說即便躋  
地而大啼泣不能自勝王便前奉婆羅門子  
諫曉使起不須復啼所求索者今當相與婆  
羅門子言王今失國當持何等以相濟乞王

便報言彼國來王相慕甚重卿今可截我頭  
持往與之在所求索皆可得也於是婆羅門  
子說偈報言

世間殺父母 命盡墮泥犁 今加害於王  
其罪等無異 我今實不忍 加惡於大王  
寧令身命盡 終不造違意

於是一切施王復語婆羅門子言卿若不欲  
取頭者便可截我鼻耳送之亦可得賞恐不  
中王故也婆羅門子報王言如我今日不忍  
爲是王復語婆羅門子言若不爾者便可縛

我送往與之亦可大有所得婆羅門子能相知王還復爲王不爲彼害婆羅門子言王審欲爾者可共俱還臨至本國乃當相縛於是王與婆羅門子便共相將俱還本國二十餘里王以欲至便自反手語婆羅門子言卿可縛我婆羅門子遂乃縛王一國人民皆聞知言一切施王爲他國婆羅門子見縛送人民大小見王莫不啼哭躰地崩絕劇喪父母遂前詣宮門諸臣即入白彼王前所募亡去王一切施者爲婆羅門子所見縛送今在宮門

彼王即言便捉現之一切施王便前入宮彼王及臣與諸官屬見一切施王無不躰地而啼泣者彼劫人王亦復淚出而問諸臣汝輩何以皆啼諸臣白言我等見一切施王棄國與王復持身施與婆羅門子所作不悔是故  
經七  
啼耳彼劫人王聞諸臣各各說是即便躰地而大啼泣不能自勝即問婆羅門子汝今那十八得是王婆羅門子具答王本末因由彼劫人王聞婆羅門子所說即復躰地啼淚而言告勅諸臣促解王縛洗浴衣被着其印綬還立

爲王即還坐領國法如故於是彼王即長跪  
叉手讚歎而說偈言

自在本國時 遙聞大王德 今來至於此

見尊踰所聞 巍巍積功德 詐若如金山

其力堅如是 無能動搖者 今見王所行

於世甚無雙 願以國相還 幷奉所居界  
願歸得本土 修敬爲臣禮 不敢復憒慢

事王如天尊

佛告諸比丘爾時一切施王者我身是也彼  
國王者舍利弗是婆羅門子者調達是成我

六波羅蜜相好功德皆是調達恩調達是我  
善知識亦爲善師調達却後阿僧祇劫當得  
作佛號字提和羅耶此言天人王

和國部第四

如雜寶藏經云佛言過去久遠有二國王一

是迦尸國王

七

二是比提醯國王

十九

比提醯王有大香象以香象力摧伏迦尸王軍迦尸王作

是念言我今云何當得香象摧伏比提醯王

軍時有人言我見山中有一白香象王聞此  
已即便募言誰能得香象者我當重賞有人

募言多集軍衆往取彼象象思惟言若我遠去父母盲老不如調順往至王所爾時衆人便自將香象向王邊王大歡喜爲作好屋具被踢蹬敷着其下與諸妓女彈琴鼓瑟以娛樂之與象飲食不肯食之時守象人來白王言象不肯食王自向象所上古畜生皆能人語王問象言汝何故不食象答王言我有父母年老眼盲無與水草父母不食我云何食象白王言我欲去者王諸軍衆無能遮我但以父母盲老順王來耳王今見聽我去供養

父母終其年壽自當還來王聞此語極大歡喜我等便爲人頭之象此象乃是象頭之人先迦尸國人惡賊父母無供養心因此象故王即宣今一切國內若不孝養父母者當與大罪尋即放象還父母所供養父母隨壽長短父母喪亡還來王所王得白象甚大歡喜即時莊嚴欲伐彼國象語王言莫與鬪諍凡鬪諍法多所傷害王言彼欺陵我象言聽我使往令彼怨敵不敢欺侮王言汝若去者或能不還答言無能遮我使不還者象即於是

往彼國中比提醯王聞象來至極大歡喜自  
出往迎既見象已而語之言即住我國象白  
王言不得即住我立身已來不違言誓先許  
彼王當還其國汝二國王應除怨惡自安其

國豈不快乎即說偈言

驥七

二十

得勝增長怨 負則益憂苦 不諍勝負者  
其樂最第一

我身是也由我爾時孝養父母故令多衆生  
亦孝養父母爾時能使二國和好今日亦爾  
和事部第五

如僧祇律云佛告諸比丘過去世時有城名  
波羅柰國名伽尸有一婆羅門有摩沙豆陳  
父煮不可熟持着肆上欲賣與他都無人買  
時有一人家有一態驢市賣難售時陳豆主  
便作是念我當以豆買此驢用便往語言汝  
二國和好爾時迦尸國王者今波斯匿王是  
比提醯王者今阿闍世王是爾時白象者今

主便作是念今得驢子便即說頌曰

婆羅門法巧販賣

陳久沙豆十六年

唐盡汝薪煮不熟

蹙折汝家大小齒

爾時驢主亦作頌曰

汝婆羅門何所喜

雖有四脚毛衣好

負重着道令汝知

錐刺火燒終不動

爾時豆主復說偈言

獨生千秋杖

頭着四寸針

能治敗態驢

何憂不可伏

爾時驢聞復瞋即說頌曰

安立前二足 雙飛後兩蹄 折汝前板齒  
然後自當知

爾時豆主聞驢此頌復說偈言

蚊蠅毒蟲蟻 唯仰尾自防 當截汝尾却  
令汝知辛苦

爾時驢復以偈答言

從先祖已來 行此懶悞法 今我故承習

死死終不捨

爾時豆主知此弊惡不可苦語便更稱譽以  
頌答曰

音聲鳴徹好 面白如珂雪 當爲汝取婦

共遊林澤中

驢聞輒愛語復說頌曰

我能負八斛 目行六百里 婆羅門當知

聞婦歡喜故

頌曰

性愛和柔賢愚親附情貪麤獷廣人畜遠慮  
外違常策內順恒御萬代揚名千齡久住

法苑珠林卷第四十七

永樂北藏

法苑珠林

音釋

懲

直陵切

戒

魚到切

懶

慢也

嘗

暫見也

角

匹農切

角

角蒲切

角

角

胡

切

角

步黑切

角

漏

鈸輕切

角

鵠則前切

角

鞍具也

角

角

布

施

朱劣切

角

落合切

角

錫也

角

鑄古猛切

角

鑄朴也

角

角

契

區

願切

角

侮同切

角

慢也

角

跔子六切

角

跔

跔

跔

廿二

永樂北藏

法苑珠林

第一四〇册